

**ORATIO IN FUNERE
JOANNIS COI
SACRAE
THEOLOGIAE
DOCTORIS ET IN...**

Giambattista Svegliato



20
ORATIO
IN FUNERE
JOANNIS COI

SACRAE THEOLOGIAE DOCTORIS

ET

IN SEMINARIO PATAVINO RECTORIS EMERITI

HABITA

IN TEMPLO EJUSDEM SEMINARII

IDIB. JANUAR. ANN. MDCCCXXIV.

A

JOANNE BAPTISTA SVEGLIATO

UNDEM GRÆCÆ ET LATINÆ LITTERATURÆ PROFESSORE

PATAVII
TYPIS SEMINARII
MDCCCXXIV.

MODESTO FARINA

EPISCOPO PATAVINO

EQUITI CORONAE FERREAE ET A CONSILIIS AUGUSTI

ANDREAS COI

F.

Orationem, quam paucis abhinc diebus JOANNES BAPTISTA SVEGLIATO cum omnium assensu habuit in funere JOANNIS COI, nunc Tibi, PRAESUL amplissime, mei tamquam obsequii et observantiae pignus exhibeo: sic enim non modo debitum pietatis officium persolvo Seni optimo, mihiq; necessitudine et cognatione dulcissimo, verum etiam plurimorum votis satisfacio, qui hujusce Viri me-

Quam nostrorum interitus semper acerbus et gravis
 esse solet nobis, qui offerendi relinquimur, tum eorum
 profecto gravior ac luctuosior, quorum fuerit ingenium a
 reliquis magis distinctum, et ratio vitae admirabilior ef-
 fulserit. His enimvero extinctis luminibus vix ulla videtur
 spes reliqua esse similis fortunae et gloriae recuperandae.
 Quibus igitur lacrymis, qua lamentatione et animi dolore
 prosequemur hodierno die creptum nobis decus antiquae
 virtutis, obscuratum familiae ornamentum, sublatum exem-
 plum praeclare factorum, JOANNEM, inquam, Cor, patrem
 dulcissimum, cui modo tristes ac sordidati parentalia persol-
 vimus? Licet enim duobus abhinc annis hunc virum aetate
 jam collapsa et hebetatis mentis viribus (1) prope amiseri-
 mus, nobis tamen superiores annos paulisper memoria repe-
 tentibus quae non oboritur oculis lux? quis splendor vitae?
 quae et quam insolens copia meritorum? Ut tum admo-
 nemur, ingentem nos fecisse jacturam, et plurimum ami-
 sisse pristinae dignitatis! ac tali tempore amisisse, quo
 ejus occasus esse debeat nobis vel funestissimus. An non
 enim obversantur oculis adhuc squalentes et mutae illo-
 rum exuviae, qui consociato quasi lumine nostram hanc
 sedem paulo ante tam illustrem tamque gloriosam facie-

bant? Non Joannis Baptistae Baronii, non Valentini Chilesottii, non Joannis Costae, non Joannis Baptistae Fabris pectus adhuc effodit intempestivum funus et luctuosissima recordatio (2)? O magnum atque intolerandum dolorem! o gravem nostram acerbamque fortunam!

Agite, juvenes optimi, commilitones egregii mei; quod unum restat de tanto viro, commemoremus insignes ejus virtutes, et singularem in duplici vitae cursu tum publicae, tum privatae hominem contemplemur. Illud fortasse continget, ut ex ejus laudatione nobiliores aliquae quasi favillae excitentur antiqui moris, et aemulus ardor validius vestros animos ad gloriam inflammet.

I.

Priusquam de hoc homine dico, video, Auditores, statuendum esse, cujus mihi ingenium singulare videatur. Neque enim ego illud hoc nomine appellaverim, quod habet communem cum ceteris vitae modum, et alicujus tantum scientiae laude clarescit, vel ea tantum, quam suscepit, rerum agendarum ratione commendatur; sed singularibus ingeniis adsciverim illud, cujus tanta vis ac nobilitas, ut praeter aliorum consuetudinem nullis terminans regionibus curriculum gloriae, pluribus eodem tempore disciplinis, ac dissimilibus negotiis praeclare expediendis par sit, quod a vulgaribus abhorreat, nihilque prospiciat, nisi quod altum et novum, nihil secum versetur ac meliatur, nisi quod dignum, sequestris suis viribus et posteritatis memoria.

Atque ejusmodi quidem ingenii vim divino munere sortitus quum esset JOANNES COJ, eandem ipse excoluit solertia mirabili, et valde conspicuis ab adolescentia primordiis. Nactus enim magistros bonarum litterarum primo

quidem in Castri Franci collegio, deinde Patavii hoc ipso in loco clarissimos, nimirum Cognolatos, Faeciolos, ipsum Cesarottium, quantum his ducibus jam tum explicavit ingenitae virtutis, quantum hausit et expressit nobilioris doctrinae! Aequalium suorum concessit nemini palma commendationibus saepe praecepta; et quum adversa impediretur valetudine, quominus publice inter Seminarium alumnos aleretur, theologicam scientiam, totius ecclesiasticae institutionis princeps fundamentum, privatim doceri voluit ab gravissimo Trivellato, cujus lucida disciplina adeo profecit, ut annum vix natus quartum et vicesimum sacro Theologorum Collegio adscribi meruerit.

Qua laude honestatus atque auctus, ut illustribus stipendiis exerceat sese, et ad metam, quam eminente animo non vulgarem praeceperat, utili gloria contenderet, domi suae, quamvis paternis fortunis commode instructus, ludum illico aperuit nobilibus praesertim adolescentibus hujus civitatis nobilissimae; in quo munere ipso quid non inusitatum et splendidum tanto ludimagistro? Illud celebratissimum et saepe testatum voce et scriptis suorum discipulorum (3), quod quum liviana facundia delectaretur facundissimus ipse, fere quotidie sub finem scholae Quiritium illustria facta enarrare consueverat, velut ad solatium laboris, tanta corporis dignitate, tam suavi vocis sono et vivido igne oculorum, ut, quasi rem ipsam gerere videretur, penderent narrantis ore adolescentuli, gliscerent, permiscerentur, in lacrymas modo, modo in plausus erumperent, et dum inexplebili voluptate romanam animis ponitis mandabant historiam, majore in dies studio et observantia cogerentur prosequi tam egregium doctorem. Et vero hoc nomen in omnium jam ore versari, ubique praedicari mira ingenii dexteritas ad excogitandum acuti,

in judicando solertissimi, in exponendo uberrimi, in explicando nitidissimi; ut propterea Patres sacri Collegii communi suffragio unum elegerint, qui Nicolao Antonio Justiniano ad Sedem episcopalem patavinam a veronensi provecto orator commendatissimus gratularetur. Magnus honor, nisi ille longe maximus, inter Socios adscribi agrariae Academiae patavinae, in ipso autem ortu recentioris hujus florentissimae inter lectissimos XII. referri cooptatione praecipua, totius demum civitatis judicio, maxime vero Triumvirum rei litterariae studio ac voto dignum existimari, qui ad aliquam in magni Lycei luce scientiam profitendam designaretur omnium amplitudini paene par.

Porro, cetera ut omittam, ecquis non maxime suspiciendum, neque fere pariter ad omnia natum putaret hominem, qui licet studiis praecipue addictus humaniorum litterarum, ausus erat moliri opus de cursu nostrorum fluminum corrigendo, atque hoc consilio ceteroquin tam alieno, tam arduo varias ac diversas peregrinationes suscipere, agri veronensis, policiniensis, patavini fluvios, torrentes, rivos quoque singulos suis ipse oculis invisere, explorare fontes, latebras, ostia, omnium metiri itinera, altitudinem, celeritatem, et ex infinito prope delectu animadversionum suarum volumen conficere et typis vulgare, in quo desiderare quidem possint strictiorem et magis reconditam calculorum doctrinam hydraulici, mathematici, lucem, commodum, veritatem desiderare nemo possit (4)? Admiratione tanti viri permotus ipse etiam patavinus Antistes, iudex aequissimus, quum nostrae huic sedi novus praeficiendus esset moderator et dux, illum statim censuit praeficiendum, qui jam hic exemplo majorum didicerat fieri magnus. Quo in officio et munere ecquis neget,

illum pro iudicio Pontificis vere se admirabilem praestitisse?

Nostra haec sedes Institutoris sui tutela et auspicio magna et illustris ab ipso ortu suo retinuerat quidem nativam dignitatem et famam, auxerat etiam; et Facciolati auctoritas, Forcellini doctrina, eruditio Sandini, Zanolini gravitas, Lastesii mascula eloquutio, theologica Trivellati peritia, nomina et scripta ceterorum egregia, praeclara, commendatissima tantum eidem pepererant celebritatis et laudis, ut nihil superaddi posse videretur. Cura autem et industria omnium, qui eatenus praefuerant, moderatorum adeo florebat ac provchebatur in majus, ut adaugendae rei nostrae vix ullus relictus esset locus, et exclusa prope omnis ratio veteris conservandae. Et tamen quibus ille et quam insignibus monumentis honestavit cumulavitque! Quibus quasi signis cursum regiminis sui late conspicuum fecit ad perennitatem memoriae! Nostis, statim ab eo alumnorum numerum undecumque confluentium auctum fuisse, ejus fama et industria huc convenisse ad hauriendam doctrinam moresque excolendos ab Asiae usque sinu, et illyricis oris complures, etiam nonnullos ex flore lectissimo hispanae juventutis, principes quoque polonos et gallos, omnium vero civitatum nostrarum vel praestantissimos genere ac fortunis; hospitium ad eosdem excipiendos magis amplum et idoneum ab eo quam citissime fuisse apparatus, aedium nostrarum non minimam partem a fundamentis erectam. Omitto novum Collegium, quod ipse venetorum patriciorum filiis liberaliter instituendis ab Clericorum communione sejunctum patefecit: trestense (5) praetereo, quondam percelebre et splendidum, quod idem ipse ad autumnale otium et quietem juventutis sapienti consilio tuendum curavit. Ille phy-

sicis disciplinis utilius tradendis satis commodum machinarum delectum primus acquisivit, primus gallicam linguam gallorum hominum ore, orientales Simonis Assemanii (6) antiqua peritia et nativo prope cultu Seminarienses doceri voluit; architectonices autem scientia voluit erudiri per experientissimum Albertoli, e cujus disciplina et ludo tametsi nemo alius prodiisset praeter Antonium Diedo, ejusdem nunc artis in patria sua nobilissimum sidus, an non ex hoc uno habenda Joanni nostro gratia immortalis? Quid quod, agente illo apud liberalissimum Praesulem, quingentorum voluminum supra septena millia invectum Seminario munus tantum, quo uno Barbadii munificentia imitata, ceterorum superata diceretur? Cui vero referenda alii instituta hic primum schola, unde Seminarienses ornate quidem dicendi laude praestantes, ornate quoque scribendi se arte pulcherrima commendarent? Cui altera luculentior etiam et gravior, qua vel expleto humaniorum litterarum curriculo, graduque facto ad scientias, graecis exercerentur quotidie; et quum Demosthenis facundia princeps, tum ubertate Chrysostomi, quem maxime adamabat, et vivido Basilii robore, patriis quasi pabulis, alerentur? Illo moderatore atque auspice iterum commissae typis Regulae gregorianae, aureus codex et ipsius iudicio divinus; insolens spectaculis nostris scenicis adjectum decus; nova praeceptoribus commoda, novi honores adjuncti ad incitamentum et praemium virtutis. Auspice, ut omnia perstringam, illo et duce hinc diffundi cujuslibet scientiae fontes, graecam linguam suos sibi tueri sacerdotes, latinam triumphos, lyceis educari magistros, templis antistites, principes magistratibus, cuncta augeri, instingui, condecorari, foveri late semina paternarum virtutum, et JOANNIS umbra, seu potius radiis ardentibus maturescere

segetem laudum earum, cui nulla umquam allatura sit finem aetas.

Jam ita se gerebat in omnibus vir mirabilis, ut his stupescere nemo debeat. Etenim curabat in primis, non jam ut dignitas moribus, sed ut mores dignitati fidem adstruerent et auctoritatem. Parcus cibi potusque, patiens alioris, vigiliae, laborum, modestus, integer praeclarum illud Magni Gregorii se probe tenere declarabat: *Sit rector operatione praecipuus . . . Illa namque vox libentius auditorum cor penetrat, quum dicentis vita commendat* (7). Sive moneret, sive laudaret, in omnibus singularis. Monentem non inornata severitas et frons contracta, sed paterna caritas et liberalis facundia; laudantem non indulgentia mollior, sed gravitas quaedam festivo lepore suo quasi condita comitabatur. Erat conservandae promovendaeque disciplinae ac pietatis maxime studiosus, maxime intentus valetudini singulorum, in moderandis etiam difficiliorum animis per quam callidus et solers, tum in concordia stabiliendis summe efficax et, paene dixerim, unice factus. Hinc illa in hoc viro singularia fuerunt, modo ipsos allicere serenitate oris et lenitate ingenii suavissima, modo observantissimos facere vultu ad dignitatem composito, gravi incessu, asperiore et concitato sermone; aliquando accommodare se alacriter omnium sententiae ac votis, aliquando omnibus imponere auctoritatis denuntiatione et non exorabilis voluntatis; semper ita versare naturam suam ac temperare in omnibus, ut ab alumnis amorem, a praeceptoribus obsequium, a domesticis reverentiam sibi facile conciliaret. Quid praedictum ejus in dicendo dexteritatem tantam, tantam suavitatem, ut ubi alumnos suos alloqueretur vel ex tempore, non modo commoveret eorum animos, sed saluberrimas

laerymas saepe etiam exprimeret? Quid dicam, familiarissimum illi atque obvium fuisse, de instantibus verissime iudicare, callidissime coniecere de futuris, dissimulare ad tempus, torquere ac flectere aliorum mentes peracuto et artis pleno sermone, in trepidatione ac tumultu ceterorum unum se invictum animi et opportunissimi consilii compotem exhibere? Mirabilia enimvero haec sunt, neque certo certius communia pluribus; tamen propria esse debent huiusmodi officii et muneris. Dicam ergo; quae unice propria hominis, quae maxime rara, quae plane sua.

Quotusquisque alius, quum tanta suis humeris incumberet moles rerum, non sibi abseedendum a literario eurriculo, nec sibi interceptum putasset illum aditum laudis? At vero Cor eo ingenio, quod par esset dissimilibus quibuscumque et magnis, probe intelligens, moderatorem literarii domicilii, cuiusmodi esset Seminarium patavinum, nihil magis decere, quam et ipsum litterarum cultu notitiaque praecellere, omni ope semper annisus est, ut hanc ipse quoque gloriam adeptus, eandem Seminario communicaret. Atque haec enimvero mente utriusque linguae, etruscae, inquam, et romanae eluebravit Grammaticam illam perspicuitate ac brevitate sua ita commendatam magistris, ita discentibus commodam, ut quinquies recusa typis nunc frustra passim conquiratur. Hoc consilio selecta quaedam Epitecti Monita in italicum sermonem conversa (8) posteritati mandavit, aureum utrumque opus; per quam vero accurate confecit, et in publico Regiae Academiae coetu coram amplissimo Antistite patavino, et veneto Viro excellentissimo suam illam Dissertationem habuit de tribus linguis, graeca, latina et etrusca, cui parem nemo alius habere potuisse dictus fuerit, quam Cor. Nihil vero praeterea potius habuit, quam ut praelorum

nostrorum opinionem ac dignitatem retineret augetetque, si posset, editis operibus quum optimae notae, tum multae etiam celebritatis: ac si gallicae Encyclopaediae temperantius recudendae propositum et inceptum ex ejus una mente profectum, ejus potissimum cura, opere, industria evigilatum, ejus potissimum fidei integritatique commissum, tantum complementi et laudis non potuit referre, quantum ille pollicitus sibi fortasse fuerat, et jure optimo poterat polliceri; illud profecto est assequutus, quod primum intenderat animo, nimirum ut nemo typographorum alius tota Italia auderet iterum educere in lucem opus perinsigne quidem et magnum, sed in quo bona et illustria pravis ac tenebrosis exaequantur. Uno verbo, quod mirum, quod incredibile, praesertim in tam difficili ac laborioso tot hominum, tot ingeniorum regimine, in tanta administratione rerum, quarum totum hominem singulae expostulent, JOANNES COI voluit et potuit apprimè doctus et litteratus esse ac videri. Porro litteratissimum ac doctissimum se probavit Tiraboschio, Toaldo, Spalanzano, Deninae, Assemanio, Cognolato, luminibus ceteris italae litteraturae, quibus innotuit aut fama scriptorum, aut argutissima et humanissima, quae sua fuit, communione epistolarum (9). Se commendavit artis typographicae principi ac magistro, parmensi Bodonio, qui verbis ultro citroque habitis maxime admiratus est praesens Seminarii moderatorem; missis postea litteris honorificentissimis gratulatus est ei tantam exquisitissimae artis notitiam, tantam optimi sagacitatem judicii (10). Multo fuit in pretio et honore apud causarum patronos et oratores excellentissimos, quibus quum quid agendum pro Seminario obveniret, et orata lite decernendum, rem ipse suoapte marte sic exarata digestamque suppeditare consueverat, ut vel exper-

tissimorum jureconsultorum acrior industria nihil accom-
modatius ac splendidius exsequi posset. Magni habitus
ab hospitibus conspicuis, virisque principibus necopinato
invisentibus nostram domum, quos ille tam nobili huma-
nitatis officio, tanta amoenitate sermonis, tanta admira-
bilitate doctrinae excipiebat et alloquebatur, quae una
satis esset Seminario clarando. Magni a civibus et ma-
gistratibus Sed eo deveni, Auditores, ubi mihi ne-
cesse sit eloquentem videri.

Nimirum Gori procuratio inciderat in dura tempora:
in eam videlicet tempestatem, quum nescio quae fatalis et
misera innovandae societatis et libertatis integrandae ve-
cordia passim evertibat instituta majorum, legum sancti-
tatem, studiorum disciplinam nostrorum, linguae nempe
graecae et latinae veterem cultum. Moministis jam, fere
nulla per totam Italiam tum fuisse domicilia litterarum
sive publica, sive privata, sive sacra, sive profana, quae
non aut armorum terrore, aut licentia militum, aut inso-
lencia victoriae, aut paucorum avaritia et corruptela suis
excussa cardinibus ruerint, aut saltem plurimum dehone-
stamenti passa sint, plurimum calamitatis. Hisce quoque
parietibus, huic quoque pervetustae arci omnium doctri-
narum communis procella suas illatura clades circumfre-
muerat. Quid moderator, quid dux? Voce et scriptis (11)
pro domus incolumitate pugnare, atque lis scriptis pu-
gnare, quae splendore verborum, quae lumine veritatis,
quae pondere argumentorum tuerentur nostra, nec tue-
rentur modo, sed et in communi ruina novis adscitis re-
ditibus, nova laudum segete comparata, auferent, hone-
starent, tropaeum parerent Seminario patavino opimum et
splendidum ad memoriam hominum sempiternam. Hunc
ego virum, hunc servatorem, hunc alterum quasi patrem

non diligam, non singularem praedicem, non extinctum filiorum pietate et lacrymis decorandum putem?

Habebis certe meas, Anima illustris, siveris modo, ut, quoniam in luce ac pulvere hactenus te triumphali veluti curru eminentem deduxi ad spectaculum, privatae quoque vitae ratione, in otio atque umbris singularem te prae-buisse brevius ostendam ad exemplum et solatium tuorum.

II.

Ingenuam hominis imaginem et peculiarem naturam non aliunde peti et argui posse certior existimo, quam ex ejusdem domesticis moribus et umbratili quasi palae-stra vitae. Publica in luce versantem, admirabilis ut quis compareat ac singularis, adjuvat saepe conditio temporum, loci splendor, majorum labores, inferiorum praesidia, multae clientelae, opinio, fortuna. Nec vero apertius quisquam, ipse qui fuerit, prodere solet, quam quum exutus splendore dignitatis, et in otio privato quasi delitescens liberius indulget sibi et naturae. Licet itaque haec altera ejus vitae conditio minus fortassis admirabilitatis prae se ferat, certe ex eo probabilior et gratior vobis accidat necesse est, quod JOANNEM COI hominem plane diversum a ceteris fuisse pervincat. Porro quid insolentius quotidianis ejus moribus et rerum humanarum judiciis? Vereor, ne nimis levia persequi videar iis, qui hominem minus noverint; iis tamen, qui funditus norunt, et experti sunt quantum etiam in obviis et usitatis a communi differret, non dubito quin parcius nonnulla attigisse videar, quasi-que praetervolans. Sed eloquentiae si deero, indoli ejus et veritati me non defuturum confido.

Qui valetudinis imbecillitatem jam a puero sustentare

ac firmare didicerat potissimum abstinencia, eam sic semper servavit, ut et vilioribus cibus maxime delectaretur, et nonnumquam identidem coenitaret, et dies saepe solidos perduceret jejunos. Vino modice utebatur, simplicis ut plurimum aquae potione contentus, quam cum vate *optimam* praedicabat. Nemo obstinatio illo in perferendis, quando opus esset, nocturnis aut antelucanis vigiliis, quibus ipsis fieri videbatur alacrior, tametsi sedili persaepe, semper humili lectulo inornatoque cubare consuevisset. Elegantem cultum, quem minime tamen reprehendebat in aliis, ipse sic obliviscebatur, ut qui sua illum zothecula, aut turri perveteri sua (12) conclusum adiisset, ex Diogenis schola prodiisse diceret eum ipsum, quem alias Platonis nobilissimo ludo altum et institutum putasset. Fuit etiam illud, fuit in eo singulare, quod medicae arti aliquanto durior et infensior ejusdem opibus uti constantissime recusavit, qui quidem ex lectione Hippocratis et Celsi, magis vero ex notatione propriae naturae ita se munierat contra morbos, ut bis implicitus, dum peritissimi consulerent ac trepidarent, ipse paulo post integris prodigialiter viribus pedem cubiculo extulerit. Nimirum nihil studebat magis quam quotidianis deambulationibus et longis prope excursibus exercere sese, quin ulla detereretur adversa tempestate; numquam laetior, quam quum importunissimis horis graviora incommoda provocavisset. Et quoniam mitissimus Cato voluptatibus agricolarum incredibiliter delectabatur, putabatque camporum solitudini non magis Dianam, quam Minervam inerrare; vel octogenarius in sole atque imbri solebat pedibus contendere ad rusticantum praedictum suum unius fere diei iter ab urbe dissitum (13), nescio utrum se magis, an agricolas solaturus. Quippe erat cum omnibus suavissimi ingenii

et humanissimi officii, at vero cum agricolis et pueris etiam supra quam credibile est. Nerium imitatus pueros ad se cogere, amantissime detinere, hortari, docere, et, ut libentius accederent, munuseulis etiam, quibus maxime ducitur innocens aetas, ab se meliores alacrioresque dimittere. Ut autem se gerebat in communi convietu et sermone! Urbani ejus lepores et suis semper floribus conspersae sententiae (14) exhilarabant singulos; et ita temperabat vel communia et parva, ut nescio quid admirabilis et magni ab eo uno sumere viderentur. Invidiae et obtreptionis, quae pessimum sunt venenum circulatorum, plane expers, amicus autem modestiae neque summis mortalium spernendae, vitia magis suorum, quam laudes dissimulabat, secum illud repetens: *Neminem alterius, qui suae confideret, virtuti invidere* (15). Quam temporibus seiebat uti sapienter! Experientia fretus et meditata illa sua per tot annos ratione adversus quaeque ingruentia, parum affligi videbatur ludibriis rerum humanarum, immo saepe easdem veluti infra se despiciebat, solitus nihilo tamen excuti et tangi penitus, quum aut salus publica, aut Seminarii gloria ageretur. Ceterum fidem in Principes, observantiam in aequales, amicitiam in omnes, praecipua animi bona, sic semper retinuit, ut tardam selectutem anteactae vitae honestis solatiis facillime toleraret.

Quamquam quid ego utor simplici ac temperata oratione ingressus dicere de virtutibus ejus, cui nulla possit par oratio inveniri? Egone, qui litterati, praesidis, civis laudes et mores genere dicendi conceitato et gravi illustrare conatus sum, nunc christiani hominis, et sacerdotis verendi singulares incredibilesque virtutes hoc in templo, hisce auditoribus, in tanta luctus significatio-

ne, tanto religionis apparatu, non voce triumphali et excellentioribus eloquentiae luminibus illustrandas curem? An non mihi timendum, ne vel ex muto illo feretro me vox indignabunda redarguat venerabilis viri, cui nihil antiquius et gravius, quam suo ministerio dignus esse et haberi?

Ecquis illo (testor ego vos, qui jam nostis, quique diutissime usi estis ejus familiaritate et fide) ecquis, inquam, illo magis invictum a cupiditatibus animum prae se tulit, et rigidiore vitae innocentia praecelluit, quem *ambulantem* coram Domino *in via immaculata* (16) ne suspicio quidem audaciorum, aut rumor insanus attigerit? Quis christianae aequabilitatis ac patientiae eo studiosior, qui etsi natura praefervidus et rerum plurimarum circumsessus fastidio, neminem umquam offenderit vel lacessitus, beneficium etiam reposuerit? Cui magis amica veritas, quam huic, qui tueri non dubitaverit vel cum periculo offensionis, detractoque velamine eandem omni luce sua praefulgentem in conspectum potentiorum deducere? Quis verecundior et temperatior vel inter maxima incitamenta ambitionis et in secunda conscientia praeclare factorum? Quis in summa solitudine et vacuitate quorumlibet commodorum ab omni querela et sollicitudine remotior? Extrema ipsa in acerbis et asperis anae aliquis toleravit pari altitudine animi et aequiore constantia? Memorari saepe audistis, qua virtute, qua mente matris dulcissimae verba ultima et supremum spiritum exceperit (17). Ipsi vidistis quam genere ac fortiter steterit in iactura fratris, quem praestantem egregiis dotibus (18) mirifice diligebat. Pictatem vero ac religionem in Deum num testatam faceret luculentius, qui vel senio fractus, quotidie, non sine maximo incommodo, prope sub meridiem domo egredi consueverat ad sacra litanda, et non semel vi morbi decumbens hu-

mana praesidia omnia quum negligeret, divina toto pectore expetivit et recepit suavissimis lacrymis? Etiam ea, quae minoribus quasi theatris geruntur, etiam quae in vitae obscuritate et secessu, ubi plerumque fama impares sunt vel laudatissimi, summa in illo fuere et mira. Verum quod omnem cujusquam opinionem exsuperat, quod quamlibet excoellit vim eloquentiae et laudum splendorem, est profecto unica ejus ac plane propria, quae hominem, magis etiam sacerdotem, ornat ac perficit, eximia ac singularis in pauperes liberalitas.

Ibit certe in saecula, fuisse ecclesiasticum virum liberalitate tanta, ut suis se opibus integra ac pertinaci voluntate spoliaret, omnem suam suppellectilem in aliorum usus impenderet, miseris oppignerato pecunia domestico patrimonio ultro occurreret, laborantes periculosa inopia virgines dotibus auctis collocaret, moerorem viduarum, puerorum solitudinem, aegrotantium squalorem, luctum infelicitium non modo oris ac sermonis suavissima lenitate, sed maxime largitione nummorum exaggerata, profusa humanissime solaretur. Memorabunt certe posterī, exstitiisse Patavii sacerdotem, qui in summa annonae caritate, in suprema consternatione ruris et civitatis, dum sibi quisque optimus consulendum putaret, ipse quum jam auro non posset, suo quoque victu pallidos fame et enectos sustentaret, re domestica lapsos et pudibundos quaesierit summa cura, excitaverit pavore et horrore defixos, nudos ac trepidos propria veste contexerit, domi ejectos errantesque hospitali tecto mensaque recreaverit, numquam sibi visus beatior, quam quum rudibus et miseris esset opitulandum. Aeternum memorabit natalis villula sua, non tam clarata ejus nomine, quam testimoniis passim innumeris nobilitata eximiae pietatis. Memorabunt hi parietes, ara

illa, hi omnes praestantissimi juventutis duces ac doctores tam probati tibi et dulces, assueti tantopere, immortalis Anima, frui sapientia ac bonitate tua. Memorabit prae ceteris hic Nepos ad extremum usque spiritum proximus tibi cura, praesidio, amore et lacrymis (19). Memorabit hic Consobrinus illustris, idemque olim discipulus tuus, tibi semper carissimus, semper devinctissimus tibi egregia grati animi voluntate (20). Memorabo ego, pater dulcissime, et, quamdiu vita suppetet, recolam animo paternos amplexus, quibus fovisti puerum, tum signa caritatis perpetua, quibus trepidum exstimulasti ad gloriam; semper cum fletu et lacrymis prosequar desiderium tam cari capitis, semper cineribus tuis debitam pacis ac beatitudinis mercedem suppliciter apprecabor.

ADNOTATIONES.

(1) Viguit corpore atque animo ad annum 65, sed ritae duobus postremis facultatibus remississimè ita privatus fuit, ut, nactus proximorum, aut quoque ipsius mentis ridemur; tametsi fuerit memoriae amplissimè ac firmissimè, qui acceperat obstatuisset commemorations remotissima rerum vel minimarum.

(2) De clementia ac virtutibus amulatissimis doctorum virorum dixit per sue sapientia cum apertissimè Sabastianus Malas in Seminario paterno Studium Praefectus, nunc Ecclesiae Cathedralis Canonicus, et theologiae Facultatis 1. R. Unversitatis patavinae Director. Vide *Orationes*, quibus varietatem adiungitur, qui adhuc Seminarii patavini nomen in sua quaque genere illustrarent. Patavii typis Seminarii 1821. in-8.^o

(3) Numini saepe mihi narrasse mira da illo nobilissimè et gravissimè virum jam huius eruptum Benedictum De-Terris, qui quam virtutibus omnibus praestant, aaria observantia ac egregia in magnum bonitatis plane manifestum facti, unde obvis astitit. Quae raro consuevit eunctis Hebraeis, iustitiae tant, ut nonnulli extrahi omnes dabant. Cuius maiorem laudem in *Chin è mai un precettore!* *Chin più ancora il metodo di ammaestrare!* Io per mia buona sorte, ch'è quanto dire, per aver in conto sapientissimo padre, fui tratto alle scuole di egregio, detto, magniloquente maestro GIOVANNI CAS, dolce nome, nobile ingegno, cara eterna memoria! vivi, come se vivi, beato. Inde persequitur eia rotunda peculiarium alius institutandas iuventutis rationem, atque ita concludit: *Ma dove il precettore grande ed eloquente oratore vola signaraggior gli animi di noi giovanetti, ti era uce appunto la virtù, forza di te nihil pompa, il stilo agra e trista motto di te. Chin narrazioni o quali gesto eran quelle!* *Quell'erano altrettante auguste lezioni dalla più utile o tanta morale. O precettori, o giannaj, o licei, io s'invita ad imitare, a venerar il grand'uomo.* Vide *Orationes*, aemedia di Antonio Simone Sografi, tom. V. pag. 139, 140. Padovae typogr. Bettini 1815. in-8.^o

(4) Sic inscriptum fuit ejusmodi opus: *Regolamento intorno ai fiumi del Ferrarese, Paleasio a Padovano.* Padovae nella Stamperia Contani 1777. in 4.^o con fig.

(5) De institutione et forma hujus Collagii per hanc diem iterum thesauris amplexa Autistia patavina, vide *Ferrari Opusculum de singulari studio ut amore B. Gregorii Barbari in Seminario patavinum, cap. XIX.* Patavii typis Seminarii 1800, at 1801. in-8.^o

(6) Notissimae hujus Professoris, quae aegrebat in domo sua videri gloriatur fuit nihil praestantius temporibus tradenda Humanitatis bibliotheca videri Fortassis, ornamentum huiusmodi fructibus habuit V. Id. April. ann. 1821, et publici juris facti Prædicationis Zehro in L. R. Universitate pitavina Professore Christianissimo, ad viros de Theologia postulare lectiones spectandas in hoc Seminario usque hodie honorifice jam destinavit pro sua humanitate Antistes nempe Martius FASINA, adeo sollicitus de istius Christianae institutionis.

(7) *Regulae pastorales part. II. cap. III.* Parisiis sumptibus Claudi Rigaud 1795. in-8ol.

(8) Istius voluminis habuit ad eum libellus, cui titulus: *Doctri civili tractat de Af. Giovanni Della Casa* (Pisani nulli Stampis del Seminario 1795. in-8^o); id ipso JANUO Cui committitur, adjecta istius *Cybele Tabula* etiam huiusmodi per Carp. Gualium ornata, et praenotata praefatione sua circa scriptis et festis allegatis. Atque in alia quidem libris circumstant ejusdem praefationis venustissime sari et ingeniose:

(9) Satis mihi esse exhibitur ad fidem conciliandam speciemus ipsas epistolae, quam sortitur ex plurius lectori subiecto, quaeque ann. 1805. propi Calend. Mart. inscripta est vidam illustri Archipresbytero, qui nuntiaret de immatura fide adolescentuli probatissime Cajetani Sartorio.

River. Sig.

Io ho letto prima rapidamente la sua lettera, e poi riletto posatamente a poca a poca, non senza lagrime di tenerezza, come però fatto Ella scrivendola. Noi l'abbiamo perduta, quando speravamo colle maggior sicurezza di doverlo riacquistare. Noi pregavamo giornalmente per la di lei salute, non obliando in mezzo alle nostre preghiere il maggior bene dell'anima sua, e la rassegnazione alla divina volontà; e Dio, quando pare che non accogliesse le nostre suppliche, seppero dare assai di più che noi non avevamo dimandare. Noi contemplavamo questa salute data e tirrena, e soggetta a mille turbamenti; e Dio, come pensiamo ignorare, gli ha donata l'eterna, levandola a bestia. Noi, per la nostra più lunga età, non pensiamo più presentarci al divino tribunale così candidi e puri, come avrà fatto egli. Quando ricorda il momento, in che quel codardo inferno tra le mie braccia, e la sua puerile innocenza, quando scorre così pensiero gli anni in qualche infimo con rassegnazione e pazienza, tra gli esercizi innocenti e di pietà, quando legge la di Lei lettera, e cede le nove giorni, noi quali prevede la sua morte vicina, la sua fermezza d'animo, la sua rassegnazione, i conforti che dava agli altri, i suoi pensieri, le premure caritatevoli, gli ajuti divini da lui richiesti, i sacerdoti che circondavano il suo letto, la sua faccia vivente, le immagini belle che se gli offrivano innanzi poco prima di spirare; io più non divito in da questa terra quell'anima innocente non sia volata al cielo, e spero pregherò per noi... Non cesserò di far voti per esso, e mi saranno sempre care le cose che furono care a lui; amerò i suoi genitori, amò le persone che lui ha raccomandati alla sua ultima ora, e farò quanto posso per ora, e quello vederò che a lui fosse grato, se ancora vivente tra noi. Perciò la prego formi noto lui a quel Chierico, di cui prese cura, e in raccomandando con tanto impegno.

(10) Exhibito sequentis partem epistolae, quem mihi ed. J. s. t. v. m. nostrum Typographus puerulatiois femae VI. Kal. Nov. ann. 1790. Aggungerò, che la falsissima epistola sua non forma tanto l'alogia mia, quanto li sai stessa di Lei; mostr' Ella recando giulista dalle cose vedute presso di me, ne parla con tanta cognizione e con tale aggraziatanza e proprietà di termini, che non solo ci appaiono un vero conoscitore del bello, ma fin anche un Professore esattissimo dell'arte tipografica. Ciò stesso mi fu sortito nell'animo un impaziente desiderio di vedere qualche prodotto de' meditati tentativi, che non potrà certamente essere che felice, avendo Ella ottimo gusto e perspicua discernimento in questo genere.

(11) Vide *Annali della libertà padovana*, vol. II. pag. 169. Padova 1793. in-8.*

(12) Ad urbanum estium, sed multo magis ad patavensem meditationem aoni pretio conducat per plures conas cum turrim, opus serracense, quae educta ad propugnaculum nobis que vespiti ed. meridiam, imminet Medoaco milderlabenti; eunc ornamento aut emmentissimus ac celestissimus hortus, quae alibi et amato colit Antonius Poeta liberalissimo compta et exquartissimo industrie. De die ite olim nobilitate vetes Pambolus eb. Ingelfedie, hee! nobis ceptus, quos cumme enabur; Et quereis tranquillo ricovero de' dotto casu del sig. D. Giovanni Coi padovano, del cui talenti, cura d'istrina a segnalata benevolentia aul patetio Seminario paria non dubia la fama. Vide *Pambolo opere*, vol. III. pag. 258. Padova typogr. Bettoni edit. in-8.*

(13) Velleore, quae est in agro palavino, Petavium tunc et Casteum Fenncom, quo in oppido jendendum foret celeberrime Academic litterarum virorum.

(14) In hanc cententiam memoriam superstitibus amicis italorum Epigramma executionis gratie concepitum eb egregio adolescentulo, nunc J. s. m. utriusque Doctore et vete commendatissimo, Nicolao Tommaseo, quod mihi rogato quum amica legandum concesserit, et laudati viri florem quoddam quem certum diet possit, puto, me gretum festueum plumbus, si hic ago illud edjucero.

» Dum loquitas, vernae efflat ab are rotata.

Ovid. Feti. lib. V. v. 294.

Tu che sei corron più puri e lucenti
D'Acce attingenti e d'Ippocrene ad ent,
Che di colvel è leggladi e vici
Pugli, o Georjane, i tuoi tuori accenti;
Sia che d'amici gai, da te pendenti,
Con l'accorto parlar le grazie voloti,
Od auri cenci in aures carte scrioti,
Ch'ondem pel obiare alle ventura genti.
Non io direi, che inchastro a tuon diffonda
La penna e il labbro, ma di fiori os nembò
Craucoti al casso dell'noia sponda.
Tutto per te s'abbella e si colora,
Quale a mezzo l'April di Tempe in grembo
Un bel giardin di rose in sull'arora.

(15) M. Tullius Cicero *Philipp. X. cap. 1. e Operum omnium tom. VI. Patavii typis Semlaris 1755. in-4.**

(16) *Prof. C. v. G.*

(17) *Joanna* mater fuit Elisabeth Trevisan de Castro Franco, beatissima femina, quae viro orbatâ quatuor liberorum integro studio singulari. Decessit ann. 1798, ætatis 95

(18) *Mercus Antonius* frater ejus obiit XVI. Cal. Mej. ann. 1820., suis pie-
riusque bonis ex testamentis in pios usus largitus erogatis. Fuit Medicus magni nomi-
nalis, et per multos annos entem exercuit Bubulontes fortissime et lenitissime.
Exstinctis, fuchis laudatione, quae temen habita non fuit publice, caritatem et
extinctionem eum testatum facere voluit Joannes Borzato sacerdos venetus, vir
eximus, et mihi puero litterarum per autumale otium præceptor, ejus immatu-
rum funus acerbis omnibus nunquam ego debere destinata, gratus in vitam opti-
mum et de otio præclare meritum.

(19) *Andreas Cui* in exterioribus Seminarii nostri scholiæ prius Rhetorices præ-
ceptor per annos 15, nunc vero Bibliothecæ custos.

(20) *Franciscus Trevisan* medicinam in patria professus magne commendatione
jugentis et civis virtutis.

Prof. C. v. G.

21
S. J. J. J.